

posuisset *Casianum*, forte *Tatianum*, seu *Carpianum* potius, ad quem *Canones* suos *Eusebius* misit, ut notum. Redeunt hae *Tabulae Cod. 125*. Univ. ut supra.

## CLXXXIII.

U. 77 Codex chartaceus lat. Sec. XV. Folior. 503. 4. currente calamo scriptus est *Expositio scholastica Evangelii Lucae* non ultra C. IV. v. 1. progrediens, praemissa prolixa *Ἐισαγωγή*, cujus initium: *Doctrinam sapientie et discipline scripsit in codice isto. Eccl. 50. Vniuersa diuine sapientie et discipline hystoriarum nemora que vetus obumbrant testamentum &c. Expositio ipsa fol. 24. incipit: Quoniam quidem multi &c. Antequam ad expositionem et diuisionem huius prologi descendam, primo aduertendum, quod secundum b. augustinum &c. Et tandem finit: de effectu contricionis plura moveri possent, de quibus forte inferius apparebit. hec de presenti lectione. Reapse multae Quaestiones theologicae per decursum tractantur; secus enim tam paucorum *Capitum Expositio* in hanc molem non excreuisset. Tergum Codicis manu Sec. XVII. eam *Michaeli Suchenschatz* adscribit, de quo dixi ad *Expositionem Matthaei Cod. CLXIX.**

## CLXXXIV.

U. 80 Codex chartaceus lat. Sec. XV. Folior. 409. 4. scriptus, ut praecedens, est illius *Continuatio*, videlicet a C. VI. v. ult. in cuius ex-

plicatione abrumpitur. *Tractatio* eadem est. Tergum rursus *Michaeli Suchenschatz* praefert; involucrum autem praebent *Membranae* quaedam e ritualibus *Hebraeorum* libris decifae, quarum anterior *character* luculento cum *punctis* vocalibus.

## CLXXXV.

Codex chartaceus lat. Sec. XV. U. 148 Folior. 295. f. non una manu, sed bene perscriptus duabus columnis, et minio distinctus, *Collegio Ducali* obvenit *testamento M. Jodoci Hausner de Nouoforo* Juris pontif. et *Artium liberal.* ut praenotatur, *Professoris* et ad D. *Stephanum Canonici*, qui *Vir* inter annos 1446—64. ter *supremus Academiae Moderator*, teste in eadem *Ecclesia Epitaphio*, 29. Dec. 1477. obiit. Complectitur vero: I. *Lectionem* in aliquot *Capita Evangelii D. Lucae*, quae, ut fert *Rubrica*, *incipitur capitulo 4. et terminatur capitulo 11. Sed vel ipsum C. IV. mancum est; infit enim: potest facere sine alterius nocumento dyabolus, ergo de persona dubitat, imo conditionaliter dicit, si filius Dei es &c. Neque etiam C. XI. emetitur *Expositio*, sed sistit in v. 28.*

II. fol. 85. *Incipit expositio Haymonis super Apokalipsym.* Ita: *Legimus in Ecclesiastica hystoria Beatum Johannem a domiciano impiissimo cesare &c. Et finit: et in gratia terminum poneret.* Ut saepius a me relata, et typis vulgata, v. g. *Parisiis 1531. 8.*

III. fol. 187. Sequitur formacio sermonum. Brevis institutio sacri Oratoris hoc ingressu: Notandum quod octo modis potest aliquis ha-

*Exponas thema, distingue, proba, rationes, Addas, conuenias, conuertas, proprietates.*

Qui modi singillatim deinceps exponuntur.

IV. fol. 188. Sequitur nicolaus de lyra super *Ewangelium Missus est angelus*. Aliqua hujus Expositionis ex illius *Postillis* delibata sunt, plura ab his abeunt. Memorantur in *Lirani Auedotois Quodlibeta Theologica*, memorantur et *Sermones de Tempore*, unde aliqua fortassis horum Particula fit.

V. fol. 193. Incipit liber *Meditationum Boneventure*. Additur ad calcem: *et intitulatur ymago vite eterne*. Atque ita adpellatur etiam in edit. *Lugd. Opp. omn.* 1668. T. VII. p. 105. f. ubi praeterea etiam *Soliloquium* dicitur, vocandum potius *Dialogus*, quoniam in eo *Anima* et *Homo* sermonem conferunt. Initium est: *Flecto genua mea ad patrem Domini mei ihesu christi &c.* Quae in Editis IV. *Capita*, nobis totidem *Meditationes* sunt, earumque Contenta sub finem lucido *Registro* exponuntur. Opusculum ipsum jam *Vol. I. P. I. col. 322.* relatum est.

VI. fol. 208. Incipit tractatus *Bonus de celebratione sex sumpcione Ewkaristie*. Initium: *Multorum tam clericorum quam laycorum querela est non modica &c.* *Dialogus inter Rationem et Conscientiam Vol. et P. mox cit. col. Denis Codd. Theol. V. II. P. I.*

*bundare in themate et illud predicando dilatare, qui continentur in duobus versibus:*

1088. et alias indicatus autore *Matth. de Cracovia* five *Krokow.*

VII. fol. 216. p. 2. Incipit *Tractatus de corpore christi*. Thema praefixum: *Memoriam fecit mirabilium suorum &c.* Pf. CX. 4. Initium: *In isto sermone tres sunt virtutes principales preclare ex quibus princeps principaliter solet laudari scilicet potentia clementia et magnificentia &c.* Institutio de S. Coena, in qua vix aliquid desideres. *Anselmum* et *Hugonem* citari video, et memorari *Waldenses*; nihil vero de controversia duplicis Speciei. Ex illo loco: *beatus franciscus monuit pre cunctis reuereri sacerdotes, et attendens ideo ad tantam dignitatem non fuit ausus recipere sacerdotium; conjiciat quis, Autorem ad illius familiam pertinere. Extrema sunt: cuius felicitatis nos efficiat participes ihesus crucifixus qui in caelis uiuit et regnat in sec. sec. Amen.*

VIII. fol. 222. p. 2. Incipit *Liber ysidori venerabilis doctoris de Summo Bono*. Triplex, et in edit. *Paris. Jac. du Breul* 1601. f. p. 617. inscriptus *Sententiarum L. I. II. III.* Titulum illum *de Summo Bono* temere nactus videtur a verbis initii: *Summum bonum Deus est.* Saepius a nobis indicatus, in *Exemplo praesente probe integer*

ger est; lectione tamen infra Edita, a quibus etiam *Capitum* divisione quandoque abit. Ita L. I. c. 16. *De Ecclesia et Haeresibus*, nobis in duo determinatur. L. III. c. 19. *De Humilitate*, et c. 20. *De Tempore* (Tempore) *Monachorum* nobis invertitur; c. 50. *De Patientia Principum* nobis in duo secatur; item c. 51. *Quod principes legibus teneantur*. Cap. 52. *De Judicibus* plane abit in tria. Ad calcem adjectus est *Capitum* Index pro omnibus III. *Libris*.

IX. fol. 267. p. 2. *Quare pauperes commixti sunt in politicis* (Politiis, Rebuspubl.) *diuitibus*. *Hainrici de Hassya*. Et iterum: *Incipiunt aliqua capitula de contractibus*. *Geminos de Contractibus Henrici* nostri *Traetatus* norunt *Eruditi*, nosque non semel indicavimus. En tertium, cujus recitabo *Capita*: I. *audisti*. II. *De quibus providere habent, qui praesunt policis*. III. *Quod sub precepto cadit, de his que supersunt, indigentibus subvenire*. IV. *Ostenditur tribus exemplis, quod difficulter quis excusatur a transgressione precepti Dei*. V. *Quod mutuare gratis cadit sub precepto et quod usura sit mortale peccatum*. VI. *De peccato usure iudeorum et christianorum tempore*. VII. *De reliquijs duorum populorum scilicet gentilibus et ysraelitis*. VIII. *Quare iudei cohabitant christianis*. IX. *Cause, quare iudei cohabitant christianis*. X. *De tribus modis quibus Iudei a christianis teneri consueverunt*. XI. *Tanguntur aliqua mala que eueniunt ex vita iudeorum*. XII. *Secun-*

*tur questiones super contractus*. Hae sunt numero XXXII. et fortassis illae, quae haberi dicuntur ad calcem *Opp. Gersonis* edit. *Colon. 1484*. f. ab *Oudino T. III*. p. 1261. Videat, cui ad manum est isthaec Editio. Mihi *Tomum III*. edit. 1488. consulenti oblatum est quidem in *Indice* earum *Titulus*, *Quaestiones tamen ipsae cum tota Adpendice ibi promissa a Typographo omissae sunt*, Editio vero 1489. 4. sincerior jam etiam *Titulum* ex *Indice* sustulit. Est porro harum *Quaestionum* initium: *Vtrum secularis potestas possit aliquo Statuto redditus cleri antea iuste habitos mobiles facere per redemptionem uel alias diminueri*. *Totius autem Traetatus: Etsi plus vnus quam alter teneatur, Omnes tamen aliquid superhabentes ad beneficia mouere debet, quod non ob aliud pietate Diuine prouidencie factum est, quod pauperes commixti sunt diuitibus, infirmi sanis, ignorantes scientibus &c.* C. 2. *reprehenduntur Magistratus, qui praesunt, ut sibi prouideant, qui curant, quod alij patiuntur, dummodo ipsi ditentur, qui muneribus receptis permittunt iniquis contractibus grauari, qui fraudes mensurarum non puniunt, qui quoslibet auaros res utiles claudere permittunt, qui tempore necessitatis res adduci prohibent, qui tunc res utiles de regione adduci permittunt, qui statuta sibi utilia faciunt et non communitati, qui iuxta exigenciam defectus uel habundancie uel mediocritatis rerum precium rationale uenabilibus*

non imponunt. Per decursum Judaei, eorumque Protectores non parum vapulant. C. 10. legas: *Si Judei ut Christiani laborarent in agris et silvis et aquis et artificijs ut in mercimonijs, vexatione intellectum dante cicius conuerterentur &c.* Tractatio tota lectu digna est, variaque offert, quae non ante IV. jam Secula scripta fuisse videantur.

X. fol. 271. p. 2. *Hec sunt scripta Magistri Johannis Reutter decretorum doctoris super quaestiones de contractibus.* De hoc Viro nil inveni, nisi gestum ab eo anno 1404. Decanatum Jurid. Facultatis. Judicium, quod ab eo hic fertur, incipit: *Supra scripte quaestiones formate per magistros breuiari et redigi possent ad infra scripta ex quarum determinatione apparet etiam decisio aliarum &c.* Versatur autem circa Jura Principis in Bona cum ecclesiastica, tum profana sibi Subditorum in ordine ad statuendos Censur, eorumque redemptionem.

XI. fol. 273. *Incipiunt aliqua capitula de tractatu libri Reinberi (Sacconi O. P.) primo De causis heresis.* Jam super. Vol. col. 1079. 1264. 1609. de hoc Autore, ejusque Opere in Germania refecto et interpolato diximus. Capitula, quae hic deinceps extant, sunt: *Blasphemie. Heretici dampnant omnia sacramenta. De penitencia. De Vnctione extrema. Errores circa consuetudines Ecclesie. Quomodo heretici noscuntur. Qualiter heretici se ingerunt Dominis. De Modo Examinandi hereticum. In-*

*terrogacio. In publica Inquisitione sic fit. Que sint contra fidem catholicam. Quatuor falsa sacramenta katharorum. Decretalis contra hereticos. Exemplar etiam istud Germaniae adaptatum fuisse, patet statim c. 1. ubi dicitur Haereticus quidam nocte tempore yemali per aquam que dicitur ybsa nataffe, item: Psalmis etiam tytullos imponunt, sic Eructauit der maide psalm, Exurgat der rachsalm, De profundis der resalm &c. et multa alia lectu curiosa.*

XII. fol. 284. *Quaestiones in I. Librum Sententiarum hoc initio: Circa primum librum sententiarum queritur &c.* Thecae interius vestitae sunt membranis Talmudicis eleganter exaratis.

## CLXXXVI.

Codex chartaceus lat. Sec. XV. U. 198  
Folior. nunc 362. 4. commode scriptus et in tergo insignitus: *Tomus III. Commentar. in Lucam, fufam, multisque ad varia fidei, morumque capita digressionibus interspersam hujus Evangelii explicationem continet, a fine Cap. VI. usque ad Cap. X. v. 25. porrectam. Caput VII. fol. 4. ita incipit. Cum autem impleffet omnia verba sua &c. Istud est capitulum septimum ewangelij luce et continuatur ad precedentia secundum ny. de lira per hunc modum. Postquam in superioribus b. lucas descripsit christi instructionem &c. Lectam pro Scholis Viennensibus non dubito. Ad marginem fol. 32. ubi de Extaticis agit Commentator,*